

SEHLA SA LEKGETHO SA 2020 BAKENG SA BATHO KA BOMONG

Ho tshahetsa boipiletso ba Mopresidente bo mabapi le sewa sa Covid-19, ba hore batho ba se atomelane ka dinako tsohle le hore re dule matlong le ho fokotsa ho tsamaya, SARS e arabela sena ka ho ntlafatsa kapele mekutu ya rona ya ho bebofatsa ditlhoko tsa ho faelwa ha dikgutliso tsa lekgetho bakeng sa balefalekgetho ka bomong ba bona le ho fedisa tlhokeho ya ho leba Makaleng ka 2020. Ka tshabediso e eketsehileng ya *data* ya mokga wa boraro, SARS e tla o tlatsetsa kgutliso ya hao ya lekgetho ka tsela e nepahetseng ho feta pele. Moo re nang le lesedi le hlokehang re tla o neha hlahlobo e akantsweng ntle le ho hloka hore o faele kgutliso ya lekgetho. Sena se o dumella ho boha, ho amohela kapa ho lokisa hlahlobo ya hao e akantsweng o ituletse lapeng kapa mosebetsing ka ho sebedisa [eFiling](#) kapa SARS MobiApp.

Matsatsi a ho faela dikgutliso tsa lekgetho la lekeno bakeng sa batho ka bomong ba bona

- 1 Loetse ho isa ho la 16 Pudungwana 2020: Balefalekgetho ba faelang [ka inthanete](#)
- 1 Loetse ho isa ho la 22 Mphalane 2020: Balefalekgetho ba sa kgoneng ho faela ka mokgwa wa elektronike ba ka etsa sena ka ho etsa tlhophiso ya kopano lekaleng
- 1 Loetse 2020 ho isa ho la 31 Pherekong 2021: Balefalekgetho ba nakwana ba faelang ka mokgwa wa [elektronike](#)

Ho bulelwa ha batho ka bomong ho faela

Balefalekgetho, nako ya ho faela dikgutliso tsa lona tsa lekgetho e qala ka la 1 Loetse monongwaha. Ditaba tse monate ke hore palo e kgolo ya balefalekgetho ka bomong ba bona monongwaha ke hore e tla fumana dikgutliso seng di hlahlobile tsa lekgetho, motjha ona o tla qala ka Phato. Ha ho hlokehe hore o re letsetse, re tla o romella SMS ebang kgutliso ya hao e se e hlahlobetswe lekgetho. Ebang o ananela hlahlobo e seng e entswe, tefo efe kapa efe e haellang kapa e fetang tekanyo ya lekgetho e tla sebetswa ka tlwaelo. Ebang o batla ho etsa ditokiso kgutlisong ya hao, o ka faela kgutliso ya hao ho tloha ka la 1 Loetse.

Ha ho hlokehe hore o letse.

Balefalekgetho, ditaba tsa lona tsa lekgetho di matsohong a nepahetseng ha o sebedisa eFiling kapa SARS MobiApp. Ngodisa profaele ya hao hona jwale ho netefatsa hore dintho tsa hao di tsamaya bolatjha. Ha ho hlokehe hore o re letsetse, o ka [ingodisa inthaneteng](#) kapa wa rwalla MobiApp founung kapa ho tablet ya hao.

Re tla o faeela

Balefalekgetho, lekgetho la lona ke la bohlokwa, re ntse re tswela pele ho nolofaletsisa dintho hore o tsebe ho ikobela tefo ya lona. Ka Phato, re tla hlahloba palo e kgolo ya balefalekgetho hanghang. Ebang o amohela sephetho ha ho hlokehe hore o faele kgutliso hohang. Re tla etsa hlahlobo ena ya hanghang re itshetlehile hodima *data* eo re e fumanang ho tswa ho beng ba mosebetsi, ditheo tsa ditjhelete, dikema tsa kalafo, batsamaisi ba matlole a peho ya meja fatshe mmoho le banehedi ba data ba mokga wa boraro. Ebang o so ka o fumana IRP5/IT3(a)s ya hao mmoho le ditifikeiti tse ding tsa lekgetho tse kang setifikeiti sa kalafo, setifikeiti sa letlole la peho ya meja fatshe mmoho le *data* ya mokga wa boraro tse amehang ho fumana boitlamo ba hao ba lekgetho, o lokela hore ikopanye le mongamosebetsi wa hao hanghang kapa sekema sa kalafo, letlole la peho ya meja fatshe kapa banehedi ba *data* ya mokga wa boraro ho netefatsa hore ba feela ba ikobetsa ditlhoko tsa bona tsa nyehelo.

[Re sale morao ho Social media ho fumana dikeletso tsa letsatsi ka leng](#) kapa o dule o etela leqephe lena la inthanete ho fumana lesedi lohle.